

ավանդատնով եկեղեցիները Կուրբանում, Վարդաբլուր տանող ճանապարհին (Ս. զևորգ), Գյուլագարակում (Տորմակ), Ստեփանավանում (Չիչմանիս), որոնք V դարում⁹⁶ և առավել ևս VI դարում⁹⁷ կառուցվել չէին կարող: Դրանք առաջին եկեղեցական շենքերն էին, որոնք հոգևոր ծառայության պահանջներից թելադրված օժանդակվում էին ամանձին հավելվածներով, ավանդատներով:⁹⁸

Երկրորդ խումբն են կազմում Դ-ձև բազիլիկները (Վարդաբլուր՝ Զգրաշեն, Սվերդլով),⁹⁹ որոնք զարգացման հաջորդ աստիճանն են և որպես եկեղեցաշինության ամենասկզբնական տեսակներ IV դարի առաջին տասնամյակներից ավելի ուշ թվագրվել չեն կարող: Այս ամանձնահատկությունները խիստ բնորոշ ժամանակագրական հատկանիշներ են մասնավորապես IV դարի համար և պետք է հիմք դառնան IV և V դդ. տարբերությունը տեսնելու և հավաստելու համար:

V դարում, երբ մեծ տարածում ստացավ գմբեթը, նման թաղածածկ շենքերի կառուցումը բացառվում էր: Գմբեթը և խաչաձև հատակագծով հորինվածքները, ըստ սկզբնաղբյուրների, մշակվեցին տակավին IV դարում և ամբողջ դարի ընթացքում, հավանաբար կառուցվել են ոչ մեծ չափերով (Շաղատ, Արթիկի Ս. Աստվածածին, ուր խաչաձև կենտրոնագմբեթ հորինվածքը համատեղված է արտաքին սրահի հետ):

Սույն իրողությունները վկայում են այս տարածքում վաղագույն շրջանում քրիստոնեության հաղթականորեն տարածման և դավանական նոր պահանջների համաձայն պաշտածուներին ճարտարապետության նորովի սկզբունքների մշակման ու կիրառման մասին:

Ստեփանավանի շրջանը հարուստ է նաև քաղաքացիական շինություններով (Վարդաբլուրի ամրոցը, Լոռի բերդը, կամուրջներ և այլն):

Ստեփանավանի և Աշոցքի շրջաններից սույն պրակի մեջ մտել են 90 վիմագիր արձանագրություններ, որոնցից անցյալում հրատարակված են եղել 11-ը, որոնք նույնպես զգալիորեն շտկվել կամ լրացվել են:

Նկատենք նաև, որ ինչպես այլ, այնպես էլ Լոռու մարզի բազմաթիվ եկեղեցիներ, աղբյուրներ ու շիրմաքարեր ունեն XVIII-XIX դդ. պատմական որոշակի կարևորության վիմագիր տեղեկություններ, որոնք, ընդունված կարգի համաձայն, չեն հավաքվել-վավերացվել, չհաշված մի քանի բացառություններ:

ՍՏԵՓԱՆԱՎԱՆ

Գուգարաց աշխարհի հնագույն բնակավայրերից է դեռևս բղեշխությունից շատ առաջ: Գետալանցի քարանձավային համալիրները տեղաբնիկների կացարան-ապաստարաններ են ծառայել միլիոնավոր տարիներ առաջ: Իսկ վաղ բրոնզեդարյան դամբարաններից ի հայտ եկած մետաղական, ոսկրի գտածոները որոշակի պատկերացում են

⁹⁶ Գ. Շախկյան, Լոռի, 16, 18:

⁹⁷ Մ.Մ. Դասրաթյան, Տաշիրի սրահավոր միանավ հուշարձանները, «Լրաբեր» հաս. գիտ., 1974, N 3, 41-56: Հեղինակն իր այս կարծիքն ավելի է ամրապնդել Армянская архитектура раннего христианства М., 2000) ծանրակշիռ մենագրության մեջ:

⁹⁸ Ա. Մանուչարյան, Քննության, 15-26:

⁹⁹ Նմանօրինակ շինության վերակառուցման արգասիք է նաև Դորբանտավանը (Տես Տեղեկագիր, Հայկ ՍՍՌ, ԳԱ, 1956, 59-66):

տալիս տեղի բնակչության մշակութային կյանքի, զբաղմունքի, փոխկապերի, կրոնածիսական պատկերացումների, շինարարական հմտությունների մասին: Այն կարևոր կենտրոնատեղի է եղել նաև մեր դարաշրջանի սկզբում, երբ բնակավայրը գտնվել է ներկա քաղաքի արևմտյան եզրին, հնագույն դամբարանադաշտից ոչ հեռու, ուր այժմ էլ պահպանվում են IV-V դդ. եկեղեցու ավերակները (Չիչմանիս)՝ շրջապատված գերեզմանոցով:

Քաղաքը X-XIII դդ. մտել է Կյուրիկյանների տիրույթների մեջ, այնուհետև անցել է Օրբելյաններին ու Ջաքարյաններին, իսկ ժե դ. սկզբում այստեղ բնակություն են հաստատել նաև մահմեդականները:

Ստեփանավանի հայտնի անունը Ջալալօղլի է (Ջալալի տղա): Ջալալյանցն այն կապում է մի խաչքարի հիշատակագրության հետ: Խաչքարը եղել է գետ իջնող ոլորապտույտ ճանապարհի սկզբնահանգույցում, Ջալալյանցի ժամանակ՝ ընկած:

«Վերի թաղում, քարափի գլխին բարձրանում է Ս. Աստուածածին սրբատաշ քարից շինուած եկեղեցին» (Լալայան, էջ 355): Գմբեթավոր այս աղոթարանը կառուցվել է XIX դ. երկրորդ կեսում և քանդվել 1930-ական թվականներին:

Քաղաքում գործում է Ս. Սարգիս եռանավ բազիլիկան՝ կառուցված Կյուրիկյանների շրջանում, նորոգված քանիցս, իսկ կրկնահարկ զանգակատունը 1903 թ. է:

984. ԽԱՇԲԱՐ. Ուղղանկյուն խորանի վերից կախված ողկույզներով, ագուցված քաղաքի գործող եկեղեցու արևելյան պատին, արտաքուստ, քիվին, 2 տող.

+ Ի ԹՎԻՍ:ՈՒԿ:ԿԱԶ
ՄԵՅԱԲՄԲՆՅԱՄԻԵՆՆ
[Ի] ԹՎԻՍ :Ո.Կ.Զ: (1217) ԿԱԶ
ՄԵՅԱԲ ՄԲ ՆՇԱՆՍ ՈՂԵՂԻՆ:

Ծանոթ. Եկեղեցու որմերին կան մի քանի բարձրավեստ խաչքարեր ևս՝ առանց հիշատակագրության: Անձնանունը կազմված է Ռ-1000 և դեղին բառերից և պետք է կարդալ Հազարդեղին: Անվան այս ձևը հանդիպում է նաև Լոռի բերդի մի խաչքարի արձանագրության մեջ:

Կարծում ենք, որ անձնանունը ուղղակի ՂԵՂ է (խմբ.):

985. ԽԱՇԲԱՐ. Գեղաքանդակ, խաչի թագազլխի կողքերին վեցաթև (իրար հագած եռանկյունի) աստղազարդեր, քիվի երկշար հյուսքազարդերի արանքում, 1 տող.

+ Ի ԹՎ ԽՍՅԱ ՈՅ:Ո:Ծ: Թ:ՈՐԿԱԶ ՄԵՅԱԲՍՈՒՐ
Ի ԹՎԻՍ ՀԱ[Յ]ՈՅ :Ո:Ծ:Թ: (1210), ՈՐ ԿԱԶՄԵՅԱԲ ՍՈՒՐ[Բ ՆՇԱՆՍ] (կամ՝ խաչս):

Ծանոթ. Այս և համաժամանակյա մի քանի խաչքարեր ի հայտ են եկել 1987 թ. քաղաքի զինվորականների թաղամասում՝ շինարարական աշխատանքների ընթացքում: Արձանագրությունն անավարտ է կամ, թերևս, շարունակությունը եղել է հարակից խաչքարի վրա:

986. Ս. ՆՇԱՆ ՄԱՏՈՒՌ. մուտքի կամարի գլխի քարին, 5 տող.

ՍՈՅՍ ՄՏՈՒՐԻՍ	ՍՈՅՍ ՄԱՏՈՒՐՈՆ
ՄԲՅ ՆՇԱՆՍ ԿՈՒ	ՍԼՐԼԵՈՅ ՆՇԱՆԻՍ ԿԱՌ
ՌՅԱՆ ԱՆԵԱՐ ԳՐԵՂ	ՈՒՑԱՒ ԱՐԴԵԱՍ ԳԱԶԻ
Ռ ԶԱՂԻՆԵՍՅ ՅԻՇՏ	Ռ ԶԱՂԻՆԵՍ[Ա]ՆՑ[ԻՆ] Յ[Ի]Շ[Ա]Տ[Ա]Կ:
ԱՏ 1871 + ԲՕ,ԴԱ	ԱՄԻ 1871 годa:

Ծանոթ. Մատուտը գտնվում է Ստեփանավան քաղաքից 2 կմ արևմուտք, ունի ուղղանկյուն հատակագիծ, երկթեք ծածկ: Շարված է հղկած տեղական բազալտով, կանոնավոր է հատկապես մուտքը: Մուտի ծառերին դեռևս կախում են զանազան շորեր, թաշկինակներ: Արձանագրությունը վերաբերում է մատուռի վերականգնմանը, որը X դ. ավելի նոր չէ: Գազիո թերևս գզիր բառն է՝ մատնանշելով Զաղինյանցի պաշտոնը:

Ինչպես տեսնում ենք լուսանկարից և գրչագրից՝ մեկենասի անունը որոշակի կարողացվում է ԳՐԻԳՈՐԻ, իսկ ՅԻՇԱՏԱԿ բառի Յ-ից հետո առկա է փոքր Ի տառը (խմբ.):

987. **ԽԱՉՔԱՐ.** Չորագլխին, գետ իջնող ճանապարհի եզրին.

Կանգնեցաւ խաչս ի Զալալայ իշխանէն:

Չրատ. Զալալյանց, Ա, 125, «Ազգ. հանդ.», VII-VIII, 354:

Ծանոթ. Չրատարակիչների կարծիքով հենց այս իշխանի որդու (օղուլ) հիշատակին է ավանը կոչվել Զալալօղլի: Զալալյանցի ժամանակ խաչքարն ընկած է եղել, մինչդեռ Լալայանն այն նկատել է կանգնած: Այն չի գտնվել որոնումների ընթացքում և ժամանակն էլ հնարավոր չէ գուշակել:

988. **ԽԱՉՔԱՐ.** Ստեփանավանից հունաբնակ Արմանիս տանող ճանապարհի եզրին.

Կանգնեաց Գրիգոր Ամիրայ Մամիկոնեանց ի բարեխօսութի իւր:

Չրատ. Զալալյանց, Ա, 126, «Արծազանք», 1895, 14, Լալայան, 356:

Ծանոթ. Զալալյանցը գյուղը կոչում է Եղիտակ, տեքստը տալիս է պատմողաբար, ազատ շարադրանքով, և հայտնում, որ խաչքարը «այժմ էլ խոնարհեալ ի պատուանդանեն»: Լալայանի մոտ գյուղանունը Եղիտանք է, արձանագրությունը՝ համառոտ. Գրիգոր ամիրայ Մամիկոնեան (քաղել է «Արծազանք»-ից): Նրա տեղեկատվությամբ խաչքարը եղել է գյուղ տանող ճանապարհի երկու կողմում տարածված հանգստարանում, որի խաչարձանների «տապանագրերը մեծ մասամբ եղծուած են»: Երբեմնի հայաբնակ գյուղի գերեզմանոցը ոչնչացված է: